

世

篋中集序

長安鄧振錄西

元結作篋中集成問曰公所集之詩何以訂之對曰風雅不興幾及千歲溺於世者世無人哉嗚呼有名位不顯年壽不將獨無知音不見稱顯死而已矣詎云無之近世作者更相沿襲拘限聲病喜尚形似且以流易為詞不知喪於雅正然哉彼則指詠時物會諧絲竹與歌兒舞女生活惑之聲於私室而夫若今

方直之士大雅君子聽而誦之則未見
其可笑吳興沈千運獨挺於流俗之中
強攘於已溺之後窮老不惑五十餘年
凡所爲文皆與時異故朋友後生稍見
師效能侶類者有五六人嗚呼自沈公
及二三子皆以正直而無祿位皆以忠
信而久貧賤皆以仁讓而至喪亡異於
是者顯榮當世誰爲辨士吾欲問之天
下兵興於今六歲人皆務武斯爲誰嗣

已長逝者遺文散失方阻絕者不見近
作盡篋中所有總編次之命曰篋中集
且欲傳之親故冀其不忘於今凡七人
詩二十四首時乾之三年也

篋中集序 終

篋中集目錄

元結 次山 編

沈千運四首

感懷弟妹

贈史修文

濮中言懷

山中作

王季友二首

別李季友

寄韋子春

于述二首

野外作

憶舍弟

孟雲卿五首

古樂府挽歌

今別離

悲哉行

古別離

傷懷贈故人

張處四首

雜詩

神仙

北遊遠酬孟雲卿

古別離

趙徵明三首

回軍破者

挽歌詞

思歸

元季川四首

泉上雨後作

登雲中

山中晚興

古遠行

篋中集目錄

終


篋中集

元結次山編

沈千運四首

感懷弟妹

今日春氣暖東風杏花折筋力又不如
却羨澗中石神仙杳難準中壽稀滿百
逐世多天傷喜見鬢髮白杖藜竹樹間
宛宛行舊跡豈非林園主却是林園客
兄弟可存半空為亾者惜冥冥無再期



國中集
哀哀望松柏骨肉能幾人年大自踈隔
性情誰免此與我不相易唯念得爾輩
時看慰朝夕平生茲已矣爲外盡非適

贈史修文

故人阻千里會面非別期握手於此地
當歡返成悲念離宛猶昨俄已經於暮
疇昔皆少年別來髮如絲不道舊姓名
相逢知是誰曩游盡騫翥與君仍布衣
豈曰無其才命理應有時別路漸欲少

不覺生涕淚

濮中言懷

聖朝憂賢良草澤無遺匿人生各有命
在餘胡不激一生但區區五十無寸祿
衰退當棄捐貪賤招毀讟栖栖去人世
此蹟日窮迫不如守田園歲晏望豐熟
壯年久宜盡老大無筋力始覺前計非
將貽後生福童兒新學稼少女未能識
顧此煩知已終日求衣食

山中作

棲隱非別事所願離風塵不辭城邑遊
禮樂拘束人爾來歸山林世事皆吾身
何者爲形骸辨智與諸仁寂寞了閑事
而後知天真咳唾矜崇華迂俯相屈伸
如何巢與由天子不知臣

王季友二首

別李季友

棲鳥不戀枝啾啾在同聲行子馳出戶

依依主人情昔時霜臺鏡醜婦羞爾形
閉匣二十年皎潔常猶明今日照離別
前途白髮生

寄韋子春

出山祕雲櫺山木已再春食我山中藥
不憶山中人山中誰餘密白髮惟相親
雀鼠晝夜無知我厨廩貧依依北舍松
不厭吾南隣有情盡弃捐土石爲同身

于逖二首

野外行

老病無樂事歲秋悲更長窮郊日蕭索
生意已花黃小弟髮亦白兩男俱不強
有才且未達况我非賢良幸以朽鈍姿
野外老風霜寒鴉噪晚景喬木思故鄉
魏人宅蓬池結網佇鱸魴水清魚不來
歲暮空彷徨

憶舍弟

衰門少兄弟兄弟唯兩人饑寒各流浪

感念傷我神夏期秋未來安知無他因
不怨別天長但願見爾身茫茫天地間
萬類各有親安知汝與我乖隔同胡秦
何時對形影憤懣當共陳

孟雲卿五首

古樂府挽歌

草草門巷喧塗車儼成位冥冥何得盡
戴我生人意北邙路非遙此別終天地
臨穴頻撫棺至哀友無淚爾形未衰老

爾息猶童稚骨肉安可離皇天若容易
房帷卽靈帳庭宇爲哀次薤露歌若斯
人生盡如寄

今離別

結髮生別離相思復相保如何日已遠
玉變中庭草渺渺天海途悠悠吳江島
但恐不出門出門無遠道遠道行旣難
家貧衣裳單嚴風吹積雪晨起鼻何酸
人生爲有志豈不懷所安分明天上日

生死誓同觀

悲哉行

孤兒去慈親遠客喪主人莫吟辛苦曲
此曲誰忍聞可聞不可見去去無形迹
行人念前程一待參晨設朝亦常苦饑
暮亦常苦饑飄飄萬餘里貧賤多是非
少年莫遠遊遠遊多不歸

古別離

朝日上高臺離人愁秋草如見萬里天

不見萬里道含酸欲誰訴轉轉傷懷抱
君行本迢遠苦樂良誰保宿昔夢同衾
憂心夢顛倒結髮年已遲征行去何早
寒暄有時謝憔悴亦難好人皆美年壽
死者何曾老少壯無見期八深風浩浩
傷懷贈故人

稍稍晨鳥翔泚泚草上霜人生早艱苦
壽命恐不長二十學已成三十名不彰
豈無同門友貴賤易中腸驅馬行萬里

悠悠過帝鄉辛因絃歌未得上君子堂
衆樂互喧奏獨子備笙篁坐中無知音
安得神揚揚願因高風起上感白日光

張慮四首

雜詩

富貴多勝事貧賤無良圖上德兼濟心
中才不如愚商者不巧智農者爭膏腴
儒生未遇時衣食不自如久與故交別
他榮我窮居到門懶入門何況千里餘

君子有福性矧乃尋常徒行行任天地
無爲強親疎

神仙

神仙可學無百歲名大約天地何茫茫
人間半哀樂浮生亮多感善舉翻爲惡
爭先等驅馳中路苦瘦弱長老思養壽
後生笑寂寞五穀非長年四氣乃靈藥
列子何必待吾心滿寥廓

北遊遠酬孟雲卿

忽忽望前事志願能相乖衣馬久羸弊
誰信幸與才善道居貧賤潔服蒙塵埃
行行無定心墮坎難歸來慈母憂疾疔
至家念棲棲與君宿姻親深見中外懷
俟餘惜時節悵望臨高臺

古別離

別離無遠近事懽情亦悲不聞車輪聲
後會將何時去日忘寄書來日乖前期
縱知明當返一息千萬思

趙微明三首

回軍跋者

既老又不全始得離邊城一枝假枯木
步步向南行去時日一百來時一日程
常恐道路旁掩弃狐兔瑩所願死鄉里
到日不願生聞此哀怨詞念念不忍聽
惜無異人術倏忽具爾形

挽歌詞

寒日蒿上明淒淒郭東路素車誰家子

丹旄引將去原下荆棘叢叢邊有新墓
人間痛傷別此是常別處曠野多蕭條
青松白楊樹

思歸

爲別未幾日去日如三秋猶疑望可見
日日上高樓惟見分手處白蘋薄芳洲
寸別寧死別不忍生離憂

元季川四首

泉上雨後作

風雨蕩繁暑雷息佳霽初衆峰帶雲雨
清氣入我廬颯颯涼飈來臨窺愜所圖
綠夢長新夢裏裏垂坐隅流水復簷下
丹砂發清渠養葛爲我衣重芋爲我蔬
誰是畹與畦瀾漫連野蕪

登雲中

灌田東山下取藥在爾休清興相引行
日日三四周白鷗與我心不厭此中遊
窮覽頗有適不極趣無幽慘然歌采薇

曲盡心悠悠

山中晚興

河漢降玄霜昨來節物殊媿無神仙姿
豈有陰陽俱靈高望不見慨然悲高梧
華葉隨風揚珍條雜榛蕪君寒谷吟
歎息知何如

古遠行

悠悠遠行者羈獨當時思道與日月長
人無茅舍期出門萬里心誰不傷別離

縱遠當白髮歲月悲今時何況異形容
安須與爾悲

篋中集

終

唐詩極玄集

唐諫議大夫姚

合纂

宋白石先生姜

夔點

卷上

王維 三首

祖詠 五首

李端 四首

耿漳 八首

盧綸 四首

司空曙 八首

錢起 八首

郎士元 八首

暢當 三首

右九人詩五十

卷下

韓翃 四首

皇甫曾 三首

李嘉祐 一首

皇甫冉 八首

朱放 二首

嚴維 四首

劉長卿 七首

靈一 四首

法振 二首

皎然 四首

清江 二首

戴叔倫 七首

右十二人詩四十八首

姚武功自題云此皆詩家射鵰手也合

於眾集中更選其極玄者庶免後來

之非凡廿一人共百首 今校諸本皆闕一首

姜堯章云唐人詩措辭妥帖用意精切

或譏其卑下非也當以唐人觀之又

云吾所不加點者亦非後世所能到

唐詩數千百家浩如淵海姚合以唐人

選唐詩其識鑒精矣然所選僅若此

何也蓋當是時以詩

製作雖多鮮克全美
豈得悉無瑕類者哉武功去取之法
嚴故其選精選之精故所取僅若此
宋初詩人猶宗唐自蘇黃一出唐法
幾廢分甫選唐百家亦惟據宋次道
所有本耳又玄粹苑世已稀睹況其
他乎易嘗采唐人詩幾千家萬有餘
目眎此有愧蓋閱作者之苦心悼後
世之無聞故凡一聯一句可傳誦者

悉錄不遺亦不以人廢固知博而寡
勞而無功知我罪我一不敢計業
欲並錄諸梓而力有未逮姑先此集
與言詩者共之時重紀至元之五年
三月既望建陽蔣易 題

極玄集卷上

唐諫議大夫姚合選

王維

字摩詰河東人開元九年進士
歷拾遺御史天寶末給事中肅
宗時尚書右丞

送晁監歸日本

積水不可極安知滄海東太州何處所
萬里若乘空向國唯看日歸帆但信風
鰲身映天黑魚眼射波紅鄉樹扶桑外
主人孤島中別離方異

為通

送丘爲

憐君不得意況復柳條春爲客黃金盡
還家白髮新五湖三畝宅萬里一歸人
知爾不能薦羞稱獻納臣

觀獵

風勁角弓鳴將軍獵渭城草枯鷹眼疾
雪盡馬蹄輕忽過新豐市還歸細柳營
迴看射鵰處千里暮雲平

祖詠

開元十一年進士

留別盧象

朝來已握手宿別更傷心灞水行人渡
商山驛路深故情君且足謫宦我難任
直道皆如此誰能淚滿襟

蘭峰贈張九臯

君王旣巡狩輦路入秦京遠戍低蒼壘
孤山出草城寒踈清禁漏夜警羽林兵
誰念迷方客長懷魏闕情

蘇氏別業

別業居幽處到來生隱心南山當戶牖
豐水在園林竹覆經冬雪庭昏未夕陰
寥寥人境外閒坐聽春禽

夕次圃田店

前路入鄭郊向經百餘里馬煩時欲歇
客歸程未已落日桑柘陰遙村煙火起
西還不遑宿中夜渡京水

題韓少府水亭

梅福幽棲處佳期不忘還鳥啼當戶竹

花繞傍池山水氣侵階冷藤陰覆座閑
寧知武陵趣宛在市朝間

李端

字與盧綸吉中孚韓翃錢起司空曙苗發崔洞耿湓夏侯審唱和號十才子歷校書郎終杭州司馬

贈苗員外

朱戶敞高扉青槐凝客暉八龍承慶重
三虎遍朝歸坐竹人聲絕橫琴鳥語稀
花慚潘岳貌年稱老萊衣葉暗新櫻熟

絲長粉蝶飛應憐魯儒賤空與故山違
茂陵山行陪韋工部
宿雨朝來歇空山天氣清盤雲雙鶴下
隔水一蟬鳴古道黃花落平蕪赤燒生
茂陵雖有病猶得伴君行

雲際中峰

自得中峰住深林亦閑關經秋無客到
入夜有僧還暗澗泉聲小荒岡樹影閑
高亭不可望星月滿空山

本集岡作村

蕪城懷古

風吹城上樹草沒城邊路城裏月明時
精靈自來去

耿漳

漳或作緯字寶應二年進士官至左拾遺漳音爲

贈嚴維

許詢清論重寂寞住山陰野客投寒寺
閑門當古林海田秋熟早湖水夜漁深
世上窮通理誰能奈此心

當一作旁姜夔本作向本

集客作路投作接

贈朗公

來自西天竺持經奉紫微年深梵語變
行苦俗人歸月上安禪久苔生出院稀
梁間有馴鴿不去爲無機

早朝

鍾鼓餘聲裏千官向紫微
冒寒人語少乘月燭來稀
清漏聞馳道紅霞映鑠闈
猶看嘶馬處未啓掖垣扉

紅一作輕

秋日

返照入閭巷憂來誰與語
古道無人行秋風動禾黍

書情逢故人

因君知此事流浪已忘機
客久多人識年高衆病歸
連雲湖色遠度雪鴈聲稀
又說家林盡淒傷淚滿衣

沙上鴈

衡陽多道里弱羽復哀音
遠塞知何日驚弦亂此心
夜陰前侶遠秋冷後湖深

獨立汀沙意寧知雪霰侵

本集雪作霜

贈張將軍

寥落軍城暮重門返照間鼓聲經雨暗
士馬過秋閑慣守臨邊郡曾營近海山
關西舊業在夜夜夢中還

訓暢當

同遊潦沮後已是十年餘幾度曾相夢
何時定得書月高城影盡霜重柳條疎
且對尊中酒千般想未如

盧綸

字允言河東人天寶末舉進士
不第大曆初王縉奏爲集賢學
士終戶部郎中

嶺南故人書

瘴海寄雙魚中宵達我居兩行燈下淚
一紙嶺南書地說炎蒸極人稱老病餘
殷勤報賈誼莫共酒杯疎

題興善寺後池

隔牕栖白鳥似與鏡湖隣月照何年樹
花逢幾世人岸莎青有路苔徑綠無塵

願得容依止僧中老此身

本集願得作永願

山下古木

高林已蕭索夜雨復秋風墜葉鳴荒竹
斜根擁斷蓬半侵山影裏長在水聲中
此地何人到雲門路亦通

送李端

故關衰草徧離別自堪悲路出寒雲外
人歸暮雪時少孤爲客早多難識君遲
掩淚空相向風塵何所期

司空曙

子文明廣平人舉進士貞元中終虞部郎中

耿湓就宿因傷故人

舊時聞笛淚此夜重霑衣方恨同懷少
那堪相見稀竹煙凝澗壑林雪似芳菲
多謝勞車馬應憐獨掩扉

那一作何

經廢寶慶寺

黃葉前朝寺無僧寒殺開池晴龜出曝
松暝鶴飛回古砌碑橫草陰廊畫雜苔
禪宮亦消歇塵世轉堪哀

春日野望寄錢員外

草長花落樹羸病強尋春無復少年意
空餘白髮新青原晴見水白社靜逢人
寄語南宮客軒車不可親

白一作華

喜外弟盧綸見宿

靜夜無四隣荒居舊業貧雨中黃葉樹
燈下白頭人以我獨沈久愧君相見頻
平時自有分况是蔡家親

蔡一作霍

送工閑

相送臨寒小蒼茫望故關江蕪連夢澤
楚雪入商山話我他年舊看君此日還
因將自悲淚一洒別離顏

顏集作間

新蟬

今朝蟬忽鳴遷客若為情漸覺一年謝
能令萬感生微風初滿樹落日稍沈城
為問同懷者淒涼聽幾聲

本集漸作便謝作老

望水

高樓晴見水楚客靄相和野極空如練

天遙不辨波永無人跡到時有鳥行過
況是蒼茫外殘陽照最多

哭麴象

憶昔秋風起君曾歎逐臣何言芳草日
自作九原人

錢起

字仲文吳興人天寶十載進士
歷校書郎終尚書郎太清宮使

送僧歸日東

上國隨緣任東途若夢行浮雲滄海遠
去世法舟輕水月通禪觀魚龍聽梵聲

唯憐惠燈思萬里眼中明

送僧自吳遊蜀

隨緣忽西去何日返東林世路無期別
空門不住心人煙一飯少山雪獨行深
天外猿聲夜誰聞清梵音

本集無期作
寧嗟不住作

久息夜
作處

送張管書記

邊事多勞役儒衣逐鼓鼙日寒關樹外
峰盡塞雲西河廣蓬難度天遙鴈漸低

班超封定遠之子去思齊

送征鴈

秋空萬里靜嘹唳獨南征風急翻霜冷
雲開見月驚塞長憐去翼影滅有餘聲
悵望遙天外鄉愁滿日生

寄郎士元

龍節知無事江城不掩扉詩傳過客遠
書到故人稀坐笑看潮起行春送鴈歸
望舒三五衣思盡謝玄暉

宿河口館

或作耿
漳詩

野竹通溪冷秋蟬入戶鳴亂來人不到

寒草上階生

本集蟬作
泉寒一作芳

裴迪書齋望月

夜來詩酒興獨上謝公樓影閑重門靜
寒生獨樹秋鵲驚隨葉散螢遠入煙流
今夕遙天末清輝幾處愁

本集獨上作
月滿鵲作鶴

送彈琴李長史赴洪州

抱琴爲傲吏孤棹復南征幾度秋江水

皆添白髮聲佳期來客夢幽思緩王程
佐牧無勞問心和政自平

郎士元

字君胄天寶十五年進士與錢起齊名歷拾遺終郢州刺史

送彭將軍

集作送李將軍赴定州

雙旌漢飛將萬里授橫戈春色臨關盡

黃雲出塞多鼓鼙悲絕漠烽戍隔長河

莫斷陰山路天驕已請和

本集關作邊烽作火第七

句作想到山陰北

送孫願

悠然富春客憶與暮潮歸擢第人多美

如君獨步稀亂流江渡淺遠色海山微

若訪新安路嚴陵有釣磯

贈張南史

雨餘深巷靜獨酌送殘春車馬雖嫌僻

鶯花不棄貧蟲聲黏戶網鼠迹映牀塵

聞道山陽會如今有幾人

本集聞道作借問

宿杜判官江樓

適楚豈吾願思歸秋向深故人江樓月
永夜千里心落葉覺鄉夢鳥啼驚越吟
寥寥更何有斷續空城砧

送楊中丞和番

錦車登隴日邊草正萋萋舊好尋君長
新愁聽鼓鼙河源飛鳥外雪嶺大荒西
漢壘今猶在遙知路不迷

送長沙韋明府之任

秋入長沙縣蕭條旅宦心煙波連桂水

官舍映楓林雲日楚天暮汀沙白露深
遙知訟堂裏嘉政在鳴琴

送奚賈歸吳

東南富春渚曾是謝公遊今日奚生去
新安江正秋水容清過客楓葉落行舟
遙想青亭下聞猿應夜愁

作霜落作伴青赤

本集水容清作水清迎楓

送友人別

集作蓋屋縣鄭磯宅送錢大

暮蟬不可聽落葉豈堪聞共是悲秋客

那知此路分荒城背流水遠鴈入寒雲
陶令門前菊餘花可贈君

暢當

字

元初太常博士

河東

進士及第

貞

州刺史

宿潭上

夜潭有仙舸與月當水中嘉賓愛明月
遊子驚秋風
青蒲野陂水白露明月天中夜秋風起
心事坐潛然

別盧綸

故交君獨在又欲與君離我有新秋淚
非關宋玉悲

極玄集卷上

終

極玄集卷下

唐諫議大夫姚合選

韓翃

字君平南陽人天寶十三載進士以寒食詩受知德宗官至中書舍人

少年行

千點爛編噴玉驄青絲結尾繡纏髻鳴

鞭撻出銅臺路葉葉昏衣楊柳風

本集噴玉

作玉勒曉作晚銅作章

羽林

驄馬牽來御柳中鳴鞭欲向渭橋東紅
蹄亂踏春城雪花領驕嘶上苑風本集驄作駿

題薦福衡岳禪師房

春城乞食還高論此中間僧臍階前樹
禪心江上山疎簾看雪卷深戶映花關
晚送門人去鍾聲杳靄間本集樹作草去作出

送孫革及第歸本集作送李秀才歸江南

過淮芳草歇千里又東歸野水吳山出

家林越鳥飛荷香隨去棹梅雨點行衣
無數滄洲客如君達者稀本集林作村洲作江

皇甫曾字孝常丹陽人天寶十二載進士官歷監察御史與兄冉

齊名一時

尋劉處士

幾年人不見林下掩柴關留客當清夜
逢君話舊山隔城寒午急帶月早鴻還
南陌雖相近其如隱者閑

哭陸處士

從此無期見柴扉帶雪開二毛逢世難
萬恨掩泉臺返照空堂六孤城吊客迴
漢家偏訪道獨畏鶴書來

本集扉帶作門對

送人作使歸

本集作送李中丞歸本道

上將還專席雙旌復出秦關河三晉路
賓從五原人孤戍雲連海平沙雪度春
酬思看玉劔何處有煙塵

本集作置分闡

海濤池

作碣石山通出作去后聯

李嘉祐

十從一袁州人天寶七載度有進士大曆中泉州刺史

和苗員外秋夜省直

久雨南宮夜仙郎寓直時漏長丹鳳闕
秋老白雲司螢影侵階亂鴻聲出苑遲
蕭條人吏散小謝有新詩

本集久作多寓作上老作

皇甫冉

字茂政丹陽人天寶十五載進士大曆中為左補闕

送韓司直

此詩今但見皇甫曾其見郎士元集又

見劉長卿集

遊吳還適越來往任風波復送王孫去

其如春草何山明殘雪在湖滿夕陽多
季子留遺廟停舟試一過

本集山作
岸湖作湖

宿嚴維宅

昔聞玄度宅門向會稽峰君住東湖下
清風繼舊蹤初秋臨水月半夜隔山鍾
世路多離別良宵詎可逢

本集路
作故

途中送權曙二兄

淮海風濤起江關憂思長同悲鵲繞樹
獨作鴈隨陽山晚雲和雪汀寒月照霜

由來濯纓處漁父愛滄浪

西陵寄一公

此詩又見
皇甫曾集

西陵遇風處自古是通津終日空江上
雲山若待人汀沙寒事早魚鳥興同新

南望山陰路吾心有所親

本集沙作州
同作情吾心

作心
中

九日寄鄭愕

本集愕
豐

重陽秋已晚千里信仍稀何處登高望
知君正憶歸還當采時菊應未授寒衣

欲識離居恨郊園晝掩扉

本集晝作正

酬崔侍郎期籍道士不至見寄

一心求妙道幾歲候真師丹竈今何處

白雲無定期崑崙煙景絕汗漫往來遲

君但焚香待人間到有時

本集處作在煙景作景致

來作還

巫山高

本集高作峽

巫峽見巴東迢迢出半空雲藏神女館

雨到楚王宮朝暮泉聲落寒暄樹色同

清猿不可聽偏在九秋中

送元盛歸潛山

深山秋事早君去復何如衰露收新稼

迎寒葺舊廬題詩即招隱作賦是閑居

別後空相憶嵇康懶寄書

朱放

字長通襄州人隱居澗溪貞元初召拜拾遺不就

送張山人歸

知君住處足風煙古樹荒村在眼前便

欲移家逐君去唯愁未有買山錢

送著公歸越

誰能愁此別到越會相逢長憶雲門寺
門前千萬峰石牀埋積雪山路倒枯松
莫學白道士無人知去蹤

嚴維

字正文山陰人至德一載進士
歷諸暨及河南尉終校書郎

送薛尚書入朝

卑情不敢論拜手立轅門列郡諸侯長
登朝八座尊凝笳臨水發行旆向風翻
幾許遺民泣同懷父母恩

本集民作黎一本敢作可

題一公院新泉

山下新泉出泠泠比法源落地才有響
濺石未成痕獨映孤松色殊分衆鳥喧
唯當清夜月觀此啟禪門

本集濺作噴

哭靈一上人

一公何不住空有遠公名共說岑山路
今時莫可行舊房松更老新塔草初生
經論傳緇侶文章徧墨卿

本集下更有四句云禪林

枝榦折法宇棟梁傾誰復修僧史應知傳已成

自雲陽歸晚泊陸澧宅

雪天行易晚前路故人居孤棹所思久

寒林相見初閑燈忘夜永清漏任更餘

明後還須去離家歲欲除本集雪天作天陰寒林作

胃寒餘作疎歲欲作幾歲

劉長卿

史

字文房宣城人開元廿一年進士歷監察御史終隨州刺史

過張明府別業

寥寥東郭外白首一先生考滿孤琴在

家移五柳成夕陽臨水釣春雨向田耕

終日空林下何人識此情本集考滿作鮮印家移作

家移

餘于旅舍

搖落暮天迴青楓霜葉稀孤城向水開

獨鳥背人飛渡口月初上鄰家漁未歸

鄉心正欲絕何處鳩寒衣

送鄭十二歸廬山

潯陽數畝宅歸臥掩柴關谷口何人在

門前秋草閑忘機賣藥罷不語杖藜還
舊筍成寒竹空齋向暮山水流過舍下
雲去到人間桂樹花應發因行寄一攀
忘一本
作無

長沙桓王墓下書事別張南史

長沙千載後春草獨萋萋流水朝還暮
行人東復西苔碑幾字滅山水萬株齊
唯有年芳在相看借解携
唯
有年芳在
一本
作佇立
傷今
古

登思禪寺上方

西峰上方處臺殿隱朦朧晚磬秋山裏
清猿古木中衆溪連竹徑諸嶺共松風
倘許栖林下甘成白首翁
本集西峰上
方處作上方
坐且
暮

過隱公故房

自從飛錫去人到沃州稀林下期何在
山中春獨歸踏花尋舊徑映竹掩空扉
寥落東峰上猶堪靜者依

送李中丞歸漢陽

流落征南將曾駟十萬師罷歸無別業
老去戀明時獨立三邊靜輕生一劍隨
茫茫漢江上日暮欲何之

本集邊靜作朝識隨作知

欲作復

靈一

酬皇甫冉西陵見寄

西陵潮信涌島嶼沒中流越客依風水
相思南渡踰寒光生極浦落日映滄洲

何事揚帆去空驚海上鷗

溪行即事

近夜山更碧入林溪轉清不知伏牛事
潭洞何從橫埜岸煙初合平湖月未生
孤舟屢失道但聽秋泉聲

重還宜豐寺

再過招隱寺重會息心期樵客問歸日
山僧記別時野雲陰遠句秋雨漲前陂
勿謂頻來此吾今不好奇

西霞山夜坐

山頭戒壇路幽映雲巖側四面青石牀
一峰苔蘚色松風靜復起月影開還黑
何獨乘夜來殊非盡所得

法振

送人遊閩越

不須行僭問爲爾話閩中海島春寒雨
江帆來去風道遊玄度宅身寄朗陵公
此別何傷遠如今關塞通

疾愈寄友

哀樂暗成疾臥中方月移西山有清士
孤笑不可追搗藥樹林靜汲泉陰澗遲
微蹤與麋鹿遠謝求羊知

皎然

微雨

片雨拂簷楹煩襟四坐清霏微過麥隴
蕭散傍莎城靜愛和花落幽聞入竹聲
朝觀趣無限高詠寄閑情

題廢寺

武原罹亂後真界積塵埃殘月生秋水
悲風起古臺居人今已盡栖鴿暝還來
不到無生理應堪賦七哀

賦得啼猿送客

萬里巴山外三聲月峽深何年有此路
幾客共霑巾斷臂分重影流泉入苦吟
淒涼離別後聞此更傷心

思歸示故人

桐江秋信早憶在故山時靜夜風鳴磬
無人竹埽埤猿來觸淨水鳥下啄寒枝
何必關吾事歸心自有期

清江

長安臥疾

身世足堪悲空房臥疾時卷簾花雨滴
埽竹陰移已覺生如夢堪嗟壽不知
未能通法性詎可見支離

宿嚴維宅簡章八元

佳期曾不遠甲第卽南隣車愛偏相及
經過豈厭頻秋光林葉動夕露月華新
莫話羈栖事平原是主人

戴叔倫

字幼公潤州金壇人師蕭穎士爲門人冠大曆間撫州刺史

經史

吳明府自遠而來留宿

出門逢故友衣服滿塵埃歲月不可問
山川何處來綺城容弊宅散職寄靈臺
自此留君醉相歡得幾迴

除夜宿石頭驛

旅館誰相問寒鐙獨可親一年將盡夜
萬里未歸人寥落悲前事支離笑此身
愁顏與衰髻明日又逢春

客夜與故人偶集

天秋月又滿城闕夜千重還作江南會
翻疑夢裏逢風枝驚暗鵲露草覆寒蛩
羈旅長堪醉相留畏曉鐘

送友人東歸

萬里楊柳色出關送故人
輕煙拂流水落日照行塵
積夢江湖潤憶家兄弟貧
徘徊灞亭上不語自傷春

別友人

擾擾倦行役相逢陳蔡間
如何百年內不見一人閑
對酒惜餘景問程愁亂山
秋風萬里道人出穆陵關

贈李山人

此意靜無事閉門風景遲
柳條將白髮

相對共垂絲

廣陵送趙主簿

將歸汾水上遠省錦城來
已泛西江盡仍隨北鴈迴
暮雲征馬速曉月故關開
漸向庭闈近留君醉一杯

極玄集卷下

終

圖書

極本

三

